

Tusass A/S-ip

CVR-nr. 17516345

MALITTARISASSAI

§ 1

Ingerlatseqatigiiffiup aqqa tassaavoq Tusass A/S.

Aqqi allat: TELE-POST A/S

Tele Attaveqaatit A/S

Grønlands Postvæsen A/S

Post Greenland A/S

Kalaallit Allakkeriviat A/S

Tusass Greenland A/S

Tusass International A/S

TELE Greenland A/S

Kommuneqarfik Sermersooq ingerlatseqatigiiffiup angerlarsimaffigaa.

§ 2

Ingerlatseqatigiiffiup siunertaraa Kalaallit Nunaanni nalunaarasuartaatitigut attaveqaatinik al-lakkerinermillu ingerlatsissalluni kiisalu atortorissaaruteqarfiit, aningasaliinerit aningaaserivin-nik ingerlatsinerit aningaasanillu suliat taakkununnga attuumassuteqartut allat ingerlatissallu-git, kiisalu nalunaarasuartaatitigut attaveqaatit Kalaallit Nunaanni nunanilu allani ineriartortil-lugillu tuniniartassallugit, pisariaqarpat taamaaliortassaaq ingerlatseqatigiiffiit pigisani aqutugalugit kiisalu ingerlatseqatigiiffinnik Kalaallit Nunaanni avataannilu angerlarsi-maffeqartunik aningaasaleeqateqarnikkut taamaaliortassalluni.

§ 3

Ingerlatseqatigiiffiup aktiatigut aningaasaatai kr. 150.000.000,00-iupput, agguataarsimallutillu aktianut ataasiakkaanut DKK 1.000-inik nalilinnut imaluunniit taama ittunut amerlasuunut.

Aktiat pappiaqqatut nalilittut tuniarneqarsinnaanngillat, tamatuminnгалu erseqqissumik allasimassallutik, piginnittullu aqqinik atsiorsimassallutik.

Aktiat arlaannaalluunniit immikkut ittumik pisinnaatitaaffittaqqanngillat, aktiallu allanut tuniarneqarnissaanut killilersuuteqarani.

Aktiat eqqartuussinertaqqanngitsumik atortussaajunnaarsinneqarsinnaapput pappiaqqatut nalilittut nioqutigineqarsinnaanngitsut pillugit malittarisassat qaqugukkulluunniit atuuttut naapertorlugit.

§ 4

Ataatsimeersuarnermi ingerlatseqatigiiffiup kommunimi angerlarsimaffiani ingerlanneqassaaq.

Ukiuoorutimik nalunaarusiat kukkunerisukkat akuerisallu piffissaalluarallartillugu, kingusinnerpaamillu ukiup naatsorsuuteqarfiup naanerani qaammatit sisamat sapaatillu akunnerisa pingasut qaangiunneranni Inuussutissarsiornermik Ingerlatseqatigiiffinnullu Aqutsisoqarfimmut nassiunneqarnissaannut piffissaqarluartussanngorlugu ileqquusumik ataatsimeersuarnerit ukiut tamaasa ingerlanneqartassapput. Ingerlatseqatigiiffiup aktiaatilinnik nalunaarsuiffiani aktiaatillit ataasiakkaat najugaattut nalunaarsimasut tamaasa allaffigalugit ileqquusumik ataatsimeersuarnermut siulersuisut aggersaassapput siusinnerpaamik ataatsimeersuarnissaq sapaatit akunnerinik sisamanik, kingusinnerpaamillu ullunik 14-inik sioqqullugu.

Ataatsimeersuariaqussutit ataatsimeersuarnermi oqaluuserisassanik siunnersuutinillu tamanik imaqqassapput ataatsimeersuarnermi oqaluuserineqartussanik. Siunnersuuteqarsimappat

immikkut amerlanerussuteqarnikkut aatsaat akuerineqarsinnaasumik, tamanna aggersaasummi erseqqissarneqarsimassaaq.

Aktiatigut piginneqataasut siunnersuutaat oqaluuserineqassagunik kingusinnerpaamik ataatsimeersuarnissaq sapaatit akunnerinik arfinilinnik sioqqullugu siulersuisunut allaganngorlugit tunniunneqarsimassapput. Ataatsimeersuarnissaq sapaatit akunnerinik arfilinnik sioqqussimajunnaareeraa siulersuisut siunnersuummik tigusaqarunik nalilissavaat piumasaqaat ima piffissaalluartigitillugu nassiunneqarsimanersoq oqaluuserisassaq ataatsimeersuarnermi ilanngunneqarsinnaassalluni.

Immikkut ittumik ataatsimeersuarnerit ingerlanneqartassapput ataatsimeersuarnermi siulersuisunilluunniit aalajangiinikkut imaluunniit aktiatigut aningaasaatit minnerpaamik 5 %-iinig aktiatigut piginneqataasumit allakkatigut siulersuisunut piumasaqarnikkut.

Tamatuma kingorna ullut 14 qaangiutsinnagit immikkut ataatsimeersuarnissamut aggersaasoqassaaq sapinngisamik sivikinnerpaamik siumut ilimasaaraluni, tassa siusinnerpaamik ullut 14 kingusinnerpaamik sapaatit akunneri 4 qaanginneranni pisussanngorlugu.

Ataatsimeersuarnissaq kingusinnerpaamik ullunik 14-inik sioqqullugu oqaluuserisassat siunnersuutillu ataatsimeersuarnermi saqqummiunneqartussat tamakkiisut ingerlatseqatigiiffiup allaffiani aktiatigut piginneqataasunut misissuataagassanngorlugit saqqummiunneqassapput. Ileqquusumik ataatsimeersuarnermut ukiumoortumik nalunaarusiassatut missingiut kukkuner-siuisunit oqaaseqarfigisaaq inaarutaasoq aktiaateqarluni piginneqataassutilinnut misissuataagas-sanngorlugu ingerlatseqatigiiffiup allaffianiitinneqalissaaq kingusinnerpaamik ataatsimeersuarnissaq ullunik 14-inik sioqqullugu.

§ 5

Ileqquusumik ataatsimeersuarnermi ukiumoortumik nalunaarusiat kukkuner-siukkat saqqummiunneqassapput tulliuttullu suliarineqassallutik:

1. Ingerlatseqatigiiffiup suliai pillugit nalunaarutit.
2. Ukiumoortumik nalunaarusiap akuerisassanngorlugu saqqummiunneqarnera.
3. Sinneqartoorutit qanoq atorneqarnissaannik aalajangiineq imaluunniit ukiumoortumik nalunaarut akuerisag naapertorlugu annaasanut matussutigineqarnissaannik aalajangerneq.
4. Siulersuisunit aamma / imaluunniit aktiaateqarlutik piginneqataasunit siunnersuutaajunnartut oqaluuserineqarnerat.
5. Siulersuisunit, siulersuisut siulittaasuannik qinersineq.
6. Akissarsiat pillugit politikkip akuerisassanngorlugu saqqummiunneqarnera.
7. Siulersuisut siulittaasuata siulersuisunullu ilaasortat sinnerisa ajunngitsorsiasaannik aalajangiineq.
8. Kukkuersiuisumik qinersineq.
9. Tamalaat.

§ 6

Aktiaatillit kikkulluunniit ataatsimeersuarnermi peqataasinnaatitaapput, aktiallu kr. 1.000-illit tamarmik taasinermik ataatsimik naleqarput.

Taasisinnaatitaaneq allakkatigut piginnaatitsissut atorlugu ingerlanneqarsinnaavoq. Piginnaatitsissusigaq aktiaatiliusariaqanngilaq.

§ 7

Siulersuisut ataatsimeersuarnermi aqutsisussamik toqqaassapput, taannalu aktiaatiliusariaqanngilaq, taassumalu oqallinnerit siulersussavai aammalu suliat qanoq suliarineqarnissaat ataatsimeersuarnermilu taasissutigineqarnissaat pillugit apeqqutinik tamanik aalajangiisuusassalluni.

§ 8

Ataatsimeersuarneq aalajangiisinnaassuseqarfiussaaq aktiatigut aningaasaatit taasisinnaatitsisut minnerpaamik affaat sinniisuutitaqarfiuppata. Taamaattoqanngippat aqutsisup ataatsimeersuarneq atorunnaarsissavaa, tamatumalu kingorna siulersuisut ullunik 14-inik siumut ilisimasaaruteqarlutik ataatsimeersuarnermut nutaamut aggersaassapput. Aktiatigut aningaasaatit qanoq amerlatigisut inuttaasa najuunnerat apeqqutaatinnagu ataatsimeersuarneq taanna aalajangiisinnaassuseqartinneqassaaq.

Ataatsimeersuarnermut atorunnaarsinneqartumut piginnaatitsissutit tullissaannut atuutiinnasapput piginnaatitsissut utertinneqarsimasutut aqutsisumit isigineqanngippat.

Ataatsimeersuarnermi sammisat nalinginnaasumik amerlanerussuteqarnikkut aalajangiivigineqartassapput.

Malittarisassat allannguutissaannik imaluunniit ingerlatseqatigiiffiup atorunnaarsinneqarneranut tunngasunik aalajangiisoqassappat taava siunnersuutit minnerpaamik aktiatigut pigineqataassutit 2/3-iinit kiisalu ataatsimeersuarnermi aktiatigut pigineqataassutit taasissutaasinnaasut 2/3-iinit taperserineqarsimasariaqarput.

Ataatsimeersuarnermi aktiatigut pigineqataassutit 2/3-ii sinniisuutitaqarfigneqanngippata, kiisiannili siunnersuutit taasinerit 2/3-iinit kiisalu ataatsimeersuarnermi najuuttut aktiatigut aningaasaatit 2/3-inik piginnittunit akuerineqarpata piaarnerpaamik ataatsimeersuarnermut nutaamut aggersaasoqassaaq, tassanilu taava siunnersuut taasinerit 2/3-iinit ataatsimeersuarnermi aktiatigut aningaasaatit taaseqataassutaasinnaasut 2/3-iniit akuerineqarsinnaassaaq aktiatigut aningaasaatigut tamarmiusut akornanni taakku qassinik pigisaqarnerat apeqqutaatinnagu.

§ 9

Ataatsimeersuarnermi pisut ingerlatseqatigiiffiup allattuiffiani siulersuisunit akuerisami naatsumik nalunaarsorneqassapput. Allaaserineqartut aqutsisumit atsiorneqassapput.

§ 10

Ingerlatseqatigiiffiup siulersuisui 3-5-inik ataatsimeersuarnermi qinigaasunik inuttaqassapput.

Siulersuisunut ilaasortat ataatsimeersuarnermi toqqarneqartut ukiumut ataatsimut qinerneqartassapput.

Piffissaq qinigaaffik naanngitsoq siulersuisunut ilaasortaq atuuffimminiit tunuarpat, siulersuisunullu ilaasortaq nutaaq tamatuma malitsigisaanik qinigaappat siulersuisunut ilaasortaq nutaaq tunuartup qinigaaffiata sinnerani atuutissaaq.

Ilaasortat tunuartut qinigaqqissinnaapput.

Ilaasortat taaneqartut saniatigut sulisut sinniisoqarnissaannik inatsisitigut piumasarineqartut naapertorlugit qinigaasunik siulersuisut ilaqartinneqassapput.

Ataatsimeersuarnermi siulersuisut akornanni siulittaasumik qinersisoqartassaaq ukiumut ataatsimut atuuttussamik. Piffissaq qinigaaffik naanngitsoq siulittaasoq atuuffimminiit tunuarpat, siulittaasoq nutaaq tunuarnerup malitsigisaanik qinigaappat siulittaasoq nutaaq tunuartup qinigaaffiata sinnerani atuutissaaq. Siulersuisut akunnerminni siulittaasup tullianik toqqaassapput, taannalu siulittaasup peqannginnerani malittarisassat siulersuisut suleriaasianni erseqqinnerusumik aalajangersakkat naapertorlugit siulittaasumut sinniisuusassaaq. Siulittaasup tullia ukiumut ataatsimut qinerneqartassaaq.

Siulittaasoq siulittaasullu tullia qinigaqqissinnaapput.

Siulersuisut ukiumut ajunngitsorsiaqartinneqartassapput, taakkulu amerlassusii ataatsimeersuarnermi ukiumut tullermut aalajangerneqartassallutik.

Siulersuisunut qinersisoqartassanngilaq namminersortuunermikkut imaluunniit suliffeqarnermikkut ingerlatseqatigiiffimmut akerliusunik soqutigisaqartutut isigineqarsinnaasunik imaluunniit suleqatigiiffinni taaneqartuni peqataanermikkut ingerlatseqatigiiffik pilliutigalugu iluaqutissanik pissarsisussatut isigineqartunik.

Siulersuisunut ilaasortat tamarmik ataatsimeersuarnermi qinersineq sioqqullugu suliffeqarfinni inuussutissarsiutinik ingerlataqarfinni allani aqutsisuussuserminnik nalunaaruteqassapput, tassanili pineqanngillat ingerlatseqatigiiffiit 100 %-imik pigisat.

Siulersuisunut ilaasortat siulersuisunut ilaasortaanermikkut ilisimalikkatik tamaasa pillugit nipangiussisussaataapput, tamatumani pineqanngillat suut tamanut saqqummiussassatut siulersuisunit aalajangerneqartut imaluunniit inatsisit naapertorlugit tamanut saqqummiussassaasut.

§ 11

Siulersuisut ingerlatseqatigiiffimmut suliaanut tunngassuteqartutigit aqutsisuupput. Suleriaa-sissiornermikkut siulersuisut suliamik ingerlannissaannut aalajangersassaapput.

Siulersuisut aalajangigassat nalinginnaasumik amerlanerussuteqarnikkut aalajangerneqartassapput. Taasinerit amerlaqatigiippata siulittaasup taasinera aalajangiisuusaaq.

Siulersuisut ataatsimiinnerini pisut nalunaarsuiffimmut nalunaarsorneqartassapput siulersuisunullu ilaasortanit tamanit atsiorneqarsimassallutik.

Kukkunersiuinerup kingorna siulersuisut ataatsimiinneranni siullermi kukkunersuiusut nalunaarutaat saqqummiunneqassaaq, siulersuisunullu ilaasortat atsiormermikkut uppersassavaat imarisaat ilisimagamikkitt.

Siulersuisut pisortanik aqutsisussanik 1-3-inik amerlassusilinnik, ulluinnarni ingerlatseqatigiiffiup aqunneqarneranik isumaginnittussanik atorfinitsitsisapput, pisortallu atorfeqarnernermini atugaannik qanorlu aalajangiisinnaatitaanissaannik siulersuisut aalajangersassaapput.

Qaqugukkulluunnit inatsisitigut aalajangersagaasut naapertorlugit ingerlatseqatigiiffimmut tunngasut pillugit siulersuisut siulittaasuat Naalackersuisunut ilisimatitsissuteqartassaaq.

§ 12

Pisortaq siulersuisut siulittaasuannik peqateqarluni, imaluunniit siulersuini siulittaasoq siulersuisunut ilaasortanik marlunnik peqateqarluni ingerlatseqatigiiffik sinnerlugu atsiorsinnaatitaavoq.

§ 13

Ingerlatseqatigiiffiup ukiumoortumik nalunaarusiai kukkunersuiusumit naalagaaffimmit akuerisamit ataatsimit arlalinnilluunniit kukkunersiorneqartassapput. Kukkunersuiusiq/-sut ukiumut ataatsimut qinerneqartassapput. Qinigaaqqittoqarsinnaavoq.

Aktiatigut piginneqataasut noqqaassuteqarneratigut kukkunersuiusut ukiut tamaasa ingerlatseqatigiiffiup ileqquusumik ataatsimeersuarnera sioqqullugu aktiatigut piginneqataasut kukkunersuiusullu ataatsimiinneranni peqataasassapput. Kukkunersuisut nipangiussisussaaitaaneerat ataqqillugu ataatsimiinnermi ingerlatseqatigiiffiup ukiumoortumik nalunaarusiaa sammineqartariaqarpoq aktiatigut piginneqataasut paasisimasaqarlutik ataatsimeersuarnermi tullermi aalajangiisinnaassuseqalernissaat siunertaralugu.

§ 14

Ingerlatseqatigiiffiup ukioq naatsorsuuteqarfiata qaammatisiutit ukiuat malippaa. Ukioq naatsorsuuteqarfik siulleq pilersitsinermit 31. december 1994-ip tungaanut ingerlavoq.

§ 15

Ukiumoortumik naatsorsuusiortarnermut inatsisini malittarisassat malillugit naatsorsuutit naatsorsorneqartassapput. Sinneqartoorutaajunnartut qanoq atorneqarnissaat pillugu siulersuisut inassuteqaateqarnerat malillugu ataatsimeersuarnermi aalajangiisoqassaaq.

§ 16

Malittarisassani naqqiissutissanik allannguutissanillu inatsisit naapertorlugit imaluunniit Inuussutissarsiornermut Ingerlatseqatigiiffinnullu Aqutsisoqarfimmit pisortaniluunniit oqartussa qarfinnit allanit piumasarineqarunnartut naapertorlugit, kiisalu allannerisigut aqqitassanik kusassagassanilluunniit allannguinnissamut siulersuisut piginnaatinneqarput.

---ooo000ooo---

Malittarisassat allanngortinneqarput akuerineqarlutillu immikkut ittumik ataatsimeersuarnermi majip ulloq 1 / 2 - 2022 pisumi.

Aqutsisutut:



Advokat Thor Suhr